

民國文獻資料叢編

史料旬刊

故宮博物院 編

北京圖書館出版社

2

資料叢編
PDG

故宮博物院 編

史料旬刊

第二冊

北京圖書館出版社



第二冊目錄

第十一期		一
第十二期		八一
第十三期		一五三
第十四期		二三七
第十五期		三一九
第十六期		三八九
第十七期		四六九
第十八期		五四三
第十九期		六一九
第二十期		六九九

蘇平學堂
PDG

史料旬刊第十一期目錄

臺灣黃教案 原件藏三所

(一) 崔應階摺

(二) 吳必達摺

(三) 鄂寧摺

(四) 鄂寧摺二

(五) 鄂寧摺三

(六) 鄂寧摺四

(七) 吳必達摺二

(八) 崔應階摺二

安徽檮天三乘二會案 原件藏三所

(一) 趙弘恩摺

(二) 趙弘恩摺二

(三) 趙弘恩摺三

割辦案 乾隆三十三年 原件藏大高殿

(一) 劉統勳等摺五

(二) 馮鈐摺二

(三) 馮鈐摺三

(四) 阿思哈摺二

(五) 富尼漢摺五

(六) 劉統勳等片三

(七) 方觀承摺四

(八) 劉統勳等摺六

(九) 彰寶摺六

古州苗案 原件藏大高殿

(一) 尹繼善摺

(二) 尹繼善摺二

湖南巡撫王國棟奏覆詢明押解發遣廣西人犯之官弁兵役中途未聞捏造

悖逆之言摺 原件藏三所

道光朝外洋通商案 原件藏三所

(一) 魏元烺摺

(二) 上諭

(三) 魏元烺摺二

(四) 上諭二

(五) 廷寄

(六) 富呢揚阿摺二

(七) 富呢揚阿摺三

(八) 上諭三

(九) 廷寄二

(十) 梁章鉅摺

(十一) 戴雄片

西洋人進貢案 原件藏三所

(一) 郎廷極摺

(二) 郎廷極摺二

臺灣黃教案

崔應階摺

閩浙總督臣崔應階跪奏爲奏聞事竊照台匪黃教聚衆一案臣接准撫臣來札業經三次奏蒙聖鑒茲於十一月十五日連接臺灣鎮道四次具稟據稱十月初三日在城盤獲賊犯劉恭張笑二名訊據係黃教招爲同夥欲往岡山會齊今聞官兵捕拿嚴緊來城探聽消息等語復又據府廳營縣佐雜陸續拿獲賊犯洪答洪禮余本余燦陳朋蔡程歐珍胡文陳皆陳斌方杏陳團王科黃定黃理黃振張五唐宗賢徐芳陳進程炭戴榮起顏祖陳榜郭石陳虎毛凱莊檜蔡德蔡兩鄭茂方髓韓筆并竈主楊漢及從前拿獲之黃宗黃嶺吳衆鄭馮許斷王祥王堯等各犯內方髓係第八名正犯韓筆係第九名正犯黃宗係黃教族弟據該道府等訊據各犯供稱黃教等豎旗聚衆原想搶奪村莊財物並無謀爲不軌之意爲首係黃教稱呼大哥有頭目十二人其餘隨招隨入約共七八十人初二日晚殺傷岡山汛兵打搶軍械初三日因被官兵捕殺殺死林賜林圖二人鎗傷數人內黃除黃冒吳尋柯固四人認識餘俱不知姓名衆人驚

慌逃匿山內現在四處奔竄各犯所供情節大概相同現在黃教及隨從餘黨依山憑險東竄西越而別處匪類見賊勢已窮兵役四出不敢上山入夥該賊匪等又因各處大莊皆自守甚固不能搶劫騷擾但憑險潛藏惟是該處層巒峻嶺兵役攀登非易現於各處要隘分佈兵將駐劄堵禦截其去路一面挑選年力精壯熟識山徑之人改裝進山探聽賊踪並懸重賞激勵兵役熟番買通生番召募慣走山徑之義民鄉勇尾隨其後鼓勇直上山嶺逐一搜捕等情到臣伏查據稟情節賊首現在雖未就擒而賊衆驚皇勢已瓦解他處賊匪難以會合況提臣領兵親往臬司余文儀又奉旨前往查辦則賊衆自可即日全獲臣現遵奉硃批諭旨暫緩馳往俟提臣到臺後情形若何再行酌辦除批飭臺灣鎮道協同提臣臬司上緊嚴拿賊匪毋使一名漏網以彰國法外所有據稟情形理合恭摺奏聞由驛遞六百里馳進伏乞皇上睿鑒謹奏乾隆三十三年十一月十五日硃批另有旨諭

吳必達摺

提督福建水師總兵官奴才吳必達跪奏爲奏聞事竊奴才因臺灣賊首黃教糾黨爲匪一案於乾隆三十三年十一月初一日帶領官兵駕船渡海督勦業經奏明聖鑒隨由遼羅放洋於本月初八夜抵澎湖十一晚到臺灣臺灣鎮臣王巍前往大穆降猴洞口等處搜捕未回所有調遣策應各事宜奴才現在悉心籌辦查賊匪黃教等自十月內岡山豎旂傷兵拒捕之後復於雁門關大穆降隆恩莊斗六門萬丹新閣礮礮等處或焚燒汛房或殺害弁兵統計陸續被殺千總一員把總一員兵丁七十三名營房六處失去軍器若干現在行查尙未覆到其賊匪除被官兵殺死不計外現已拿獲七十餘名奴才細察賊匪猖獗情形未易尅期竣事緣賊匪藏身俱係層巒疊嶂且生長其地山路去處素所熟悉凡東奔西竄皆由捷徑行走出入沒靡常且狡詐百端到處豎旂招夥或虛或實或用數十人或用百餘人忽然東突官兵自向東追忽又西擾官兵復向西逐使官兵疲於奔走彼反得計所以零星小汛每被其焚燒殘害若不設法籌辦徒事追逐是賊逸兵勞殊非善策茲奴才會商鎮道將零星小汛歸併大汛俾免被賊殺害仍可資爲聲援并於扼要處所安兵劄營堵禦絕其出路

然後用熟悉深山路徑之熟番引兵入山搜捕方克有濟但山嶺重疊要口甚多若非添兵難以布置且各路流寓游手之人極多自賊匪殺害官兵之後鼠竊乘機搶奪亦所時有處處亦須加兵彈壓奴才帶領之兵不敷派撥現在飛咨督撫二臣星速添調官兵渡海接應一面督率文武員弁加緊堵截防範務保無虞所有賊匪實在情形及籌辦情節理合繕摺由六百里驛遞奏聞仰祈皇上訓示遵行謹奏乾隆三十三年十一月十五日硃批所奏未免有畏難之意另有旨諭

鄂寧摺

福建巡撫革職留任臣鄂寧謹奏爲奏明臺匪現在情形遵旨查辦事竊照臺灣賊匪黃教等在南路岡山聚衆豎旗謀爲不軌官兵撲捕賊匪奔散蔓延至北路焚燬營房殺傷官兵各情形並水師提臣吳必達先後調撥水師官兵分路赴臺灣剿捕緣由臣於十一月初一初三日兩次繕摺具奏均蒙聖鑒臣於十一月二十日正在繕摺續行奏報情形間二十一日辰刻臣初次在省奏進

之摺奉到硃批並廷寄上諭一道臣一一跪讀聖明指示無不洞燭隱微臣隨欽遵諭旨將現獲匪夥停其解赴廈門至按察使余文儀臣因建寧鎮營員拿獲傅元禧一犯搜有悖逆旗信業於二十日飛檄委余文儀赴建寧查審今遵旨飛調余文儀來廈門前赴臺灣查辦其建寧匪犯改委汀漳龍道孫孝愉前往辦理俟余文儀前赴廈門臣欽遵諭旨將應辦事宜交令辦理並將臺匪起事根由及臺郡文武前後諱飾之處令其據實查報勿稍徇隱並令俟拿獲首逆黃教即令道府派委幹練文武護解至廈門臣遵旨究審確情即行辦理至臺匪現在情形自十月二十六日賊匪聚集在斗六門焚燒營房殺傷官兵之後二十八日賊衆至北路石榴班汛焚燒營房官兵前赴撲捕賊即回至三角莊官兵追捕鳥槍打傷賊十餘名殺賊六名首逆黃教身傷兩箭奔逸二十九日知府鄒應元等分兵三路追捕擒於鹿寮遇賊生擒五名殺死一名賊匪止三十餘人分路逃竄官兵亦分路追捕賊匪沿山奔竄自二十九日以後賊匪復由山邊折回南路現皆潛匿岡山以南一帶深山密箐之內等語此臺郡文武自十一月初三日以後陸續所稟之賊匪情形也其殺傷拿獲賊匪查該道府

前後稟報殺死受傷賊匪六十餘名拿獲賊匪七十四名而所訊供情不過約略數語臣已嚴行批飭今應俟余文儀到臺灣日另行審訊務令究出實在情節再臺郡現在辦理搜捕一事據臺灣道張珽稟黃教等自北路竄回南路潛匿深山必須義民鄉勇及熟番熟識山徑亦能履險者當先搜捕官兵四路堵截方能擒獲現已召募義民鄉勇熟番厚給口糧懸立重賞伊等俱各奮勇當此冬晴溪澗亟令入山剿捕務期速獲等語臣復委令熟諳番情之理番同知張所受遍行曉諭生番若賊匪首夥竄入其地令其卽擒獻重加賞賚若能擒獻黃教賞銀千兩務期首逆速獲根株淨盡以仰副我皇上懲奸除暴之至意至水師提臣吳必達與臣面訂一到臺灣卽將實在情形寄臣知之今臺灣道張珽稟提臣十一月十二日已到臺灣並與該道面商召募義民鄉勇熟番入山搜捕情事復分遣官兵四路搜捕等語但尙未接到提臣來札自必因先後遞發中途阻風之故提臣吳必達自臺齎進之摺今一並由驛馳奏合並陳明伏祈皇上聖鑒訓示施行謹奏乾隆二十三年十一月二十一日硃批「覽奏俱悉」

鄂寧摺二

福建巡撫革職留任臣鄂寧謹奏爲奏明事臣於十一月二十一日奉到硃批諭旨後即將臺灣賊匪黃教等近日情形並辦理緣由恭摺馳奏在案自二十一日後連日風信不順臺灣船隻進口者甚少水師提臣吳必達與臣書札尙未接到臺灣文武亦無文稟遞到臣復嚴切申飭道府上緊捕拿首夥各犯星飛將首逆黃教現在曾否擒獲餘黨有無續獲馳報在案間有進口之臺灣客船臣逐一詢問據云近日北路賊匪已無地方安靜郡治亦安帖聞賊匪俱潛藏南路山內提督分遣官兵四路搜捕等語亦未知是否確實臣又札詢提臣吳必達現在切實情形迅速復知按察使余文儀已報於二十日自省起程計一二日內可到廈門臣已在廈門先爲備辦渡海船隻一到即令登舟前往臣謹繕摺具奏伏乞皇上聖鑒謹奏乾隆三十三年十一月二十四日硃批知道了

鄂寧摺三

一天三百六十九

福建巡撫革職留任臣鄂寧謹奏爲奏明臺灣賊匪蔓延實情添調陸路官兵赴臺仰祈聖鑒事竊照臺灣賊匪黃教等節據道稟自十月二十九日以後賊匪僅三十餘人由北路折回南路等語是賊勢已竭撲捕宜速疊經臣嚴檄飭擒拿去後自提臣吳必達十一月十二日到臺灣之後僅接該道一稟並不稟及賊匪情形臣亦未接提臣咨札即疑風信無定必有中途阻風未到之事臣於二十四日二十八日兩次摺內聲明附奏在案二十八日臣拜發奏摺後於戌刻奉到臣與提臣吳必達會奏帶兵赴臺灣一摺硃批並廷寄上諭一道臣正在作札封寄提臣二十九日已刻接到提臣十七日來札始知提臣於十一日晚已抵臺灣卽知賊匪在南路勢甚猖獗非尅期卽能撲滅且處處需兵防守堵禦前調官兵尙屬不敷亟應添調陸路官兵一千名由泉州廈門僱募商船乘坐速令赴臺並云此事已於十四日專差齎投恐風信遲速不定茲重複繕咨由北路鹿仔港渡海等語前此十四日文札臣至今並未接到臣查水師提臣吳必達上次添調官兵原欲調陸路提標只五百名臣因已添調水師

只一千三百名是以陸路官兵暫緩調發已先期札致陸路提臣黃仕簡令其預爲選調備辦黃仕簡覆臣已預備陸路提標官兵五百名漳州鎮官兵五百名候調立時遣發等語臣隨即飛飭地方官預備船隻銀米咨行提鎮兩標即日遣發過臺灣以應協剿至提臣吳必達咨札內所叙賊匪情形十一月初八九等日賊在南路九脚桶八仔鑿被官兵殺敗而逃十一日晚又在礮礮坑殺傷官兵十四日早聞岡山又有賊數百豎旗五面之事隨即添兵接應由兩路進山搜捕賊已遁去十五日遊擊陳玉書同知府鄒應元帶兵至水鷄潭遇賊二百餘人旗五面隨鎗斃賊匪二名傷一名乘勢趕殺割取首級五顆生擒賊一名追至三角堀賊已遁去是日諸羅縣水沙蓮等處有賊三百餘人分爲三起現在添兵往捕等語就提臣所言十日內賊勢蔓延猖獗情形不特該道張珽所稟二十九日以後僅餘賊匪三十餘名盡屬虛詞其初報賊匪止百餘人或七八十人更非實在情節臣已另摺參奏此次添調官兵已先期預備停妥臣加緊催趲務令於三日內登舟開駕按察使余文儀雖於二十八日登舟尙候風信放洋臣復將現在臺匪情形詳悉告知據伊指陳臺地情形與搜捕事

宜似有主見臣已令其到臺灣後與提臣熟商妥辦務期迅速剿滅擒獲至臣先擬俟臺灣情形已定如止搜捕首夥臣即馳赴建寧查辦匪犯案件今臺灣賊匪勢尙猖獗臣尙應留廈門辦理又經行知錢琦孫孝愉等上緊督率查拿匪犯務速窮究以盡根株合併陳明伏祈皇上聖鑒訓示謹奏乾隆三十三年十一月三十日硃批知道了尤應以鎮靜爲要俟崔應階至廈門汝即可廻省

鄂寧摺四

福建巡撫革職留任臣鄂寧謹奏爲奏明事臣於正月初九日接到按察使余文儀稟報賊匪黃教等由劍門坑大石門遁走各情形即於初十日繕摺馳奏在案十二日早連接吳必達余文儀十二月二十五日二十七二十八等日咨札文稟據稱賊匪情形自十二月十八日由大石門逃竄後聞已潛入北路二十二日遊擊陳玉書偵知賊由蘆麻產而北與遊擊林海蟾知府鄒應元會商分佈各營截其南竄之路後探知賊在白狗鑿二十四日早遠見山上有賊兩